

左
通
補
釋

補釋廿五年起昭公十三年盡十七年

左通一

錢塘梁履繩學

昭十王奪鬬韋龜中犖解中犖邑名

中犖疑當在河南南陽府境大事表七之四

蔓成然

楚有鬬成然食采于蔓曰蔓成然通志氏族略三

圍固城克息舟解息舟楚邑城之堅固者正義圍固城城之

固者克息舟息舟卽是其一也案一本譌作邑日本物觀考文補遺邑作一

案國語禿姓舟人則周既滅之韋昭注禿姓彭祖之別舟

人國名路史曰舟人楚地昔常壽過克息舟城而居之者

見國名紀三春秋地名攷略九春案杜氏土地名云息舟闕乃是二字

地名慎氏闡義引秀水徐善地名考亦據外傳為說子友

趙洛生魏疑息即楚所滅息國因以為縣傳稱申息是也

然則與舟為二邑餘詳駁證

依陳蔡人以國解國陳蔡而依之正義二子更無兵眾唯依

倚陳蔡人耳以國者許為復其國以此招慰之

依利用為依遷國之依陳蔡雖亡而其人尚在故依焉邵氏

左陳蔡既滅而其國人皆有故國之思故復其國以依附

二國之人心耳傳氏辯誤下

因正僕人解正僕大子之近官正義大僕也周禮下大夫二

人

周書序云穆王命伯冏為周太僕正楚蓋本王官之制尚靜

齋經

說

公子比爲王

史記楚世家稱初王比亦謂之初王蓋言始爲王而卽見殺因以爲號若傳所云小子侯也然以傳稱堵敖郟敖例之則史稱訾敖亦可

周氏附論

次于魚陂解竟陵縣城西北有甘魚陂

甘魚陂在湖廣景陵縣西北

案景陵卽古竟陵今爲天門縣屬湖北安陸府

左傳

楚公子比次于魚陂戰國策

秦策三

冷向曰楚南有符離之

塞北有甘魚之口

讀史方輿紀要七十七

師及訾梁而潰

訾梁梁名在河南汝寧府信陽州界

大事表七之四

若入於大都

大都如陳蔡不羹許葉之屬

林氏句解

然丹乃歸于楚解然丹子革奔王歸

子革自乾谿一諫見王不能自克卽已歸心弃疾此時勉

效三策以盡舊主之分旣不能行遂背王歸國申無宇所

以有鄭丹在內之戒也

周氏附論

將欲入鄢解順漢水南至鄢

鄢已見桓十三年

服虔曰鄢楚別都也

史記楚世家解

詳定四年都下

夏五月癸亥王縊于芋尹申亥氏解癸亥五月二十六日皆

在乙卯丙辰後傳終言之經書四月誤

古人作史取其事之相屬不論月日故有追書有竟書左

傳成公十六年鄢陵之戰先書甲午晦

長歷云六月二十九日後書

癸巳

八日

甲午爲正書而癸巳則因後事而追書也昭公

十三年平丘之盟先書甲戌

八日

後書癸酉

七日

甲戌爲正

書而癸酉則因後事而追書也楚靈王之弑先書五月癸

亥後書乙卯

十八日

丙辰

十九日

乙卯丙辰爲正書而五月癸

亥則因前事而竟書也蓋史家之文常患爲月日所拘而

事不得以相連屬故古人立此變例

日知錄二十

國每夜駭曰

駭亂變也

戰國宋策高注

葬于于訾

訾在信陽州境傳師及訾梁而潰卽此訾水之梁也

大事表七

四之

臣之先佐開卜乃使為卜尹解佐卜人開龜兆

掌開龜之四兆一曰方兆二曰功兆三曰義兆四曰弓兆

周禮春官卜師開開出其占書也經兆百二十體大卜此言四兆

者分之為四部若易之二篇書金縢曰開籥見書是謂與

又賈逵曰卜尹卜師大夫官史記楚世家集解

使枝如子躬聘于鄭

復姓左傳楚大夫枝如子弓廣韻枝字注別見攷異案通志氏族

略四云以名為氏者若枝如子躬其後自為枝如氏愚謂

傳文無名字連稱者當從廣韻為是

康王跨之解過其上也

服虔曰兩足各跨壁一邊

史記楚世家集解案說雖與杜解小異義可相通

無釁而動可謂無謀解召子干時楚未有大釁

服虔曰言靈王尚在而妄動取國故謂無謀也

楚世家集解

苛慝不作

說文曰苛細草也以喻煩雜也

後漢書宣秉傳注

芊姓有亂必季實立楚之常也

文元年傳楚子上曰楚國之舉恆在少者蓋相承之說

尚靜

齊經說

齊桓晉文不亦是乎解皆庶賤

服虔曰皆庶子而出奔

史記楚世家集解

賓須無

賓氏左傳齊大夫賓須無通志氏族略四

民從而與之

以惠懷弃民故民相從而歸心於文公史記楚世家正義

晉侯會吳子于良解下邳有良城縣

宋地昭十三年良杜氏土地名今邳州北六十里有良城案州屬江

蘇徐州府大案程氏疆理書十一云良有二以此良

事表七之四為宋地今淮陽軍以哀十五年之良為吳地不言其處亦

據杜氏而大事表以此良為即吳之良非也

治兵于邾南

汪繩祖曰晉侯還自良因治兵于邾之南境如僖十九年

所稱曹南也

遂合諸侯于平丘解平丘在陳留長垣縣西南

衛地平丘

杜氏土地名

平丘在河南開封府封丘縣東四十里

案縣今改屬衛輝府春秋輿圖

淫芻蕘者解欲使衛患之而致貨

淫放也欲使衛患之而致貨焉

太平御覽人事部一百十九案疑是賈服注杜氏

之本

與一篋錦

士冠禮緇布冠缺項以至緇組紃同篋士喪禮復衣受用

篋浴衣盛以篋禮記言入學鼓篋史言亡書三篋

見漢書張安世

傳則篋所以盛衣亦盛書也鄭氏曰隋方曰篋隋者狹而

長也篋亦謂之笈史稱蘇秦負笈

禮書一百四

案哀十一年

公使大史固歸國子之元寘之新篋則又爲函首之用矣

況衛在君之宇下

解屋宇之下喻近也

字下又見哀廿七年

宇屋邊也易曰上棟下宇

說文七下

臣錯案春秋傳曰況衛在

君之宇下是爲邊垂也

說文字繁傳

餘見攷異

是故明王之制使諸侯歲聘以志業閒朝以講禮再朝而會

以示戚再會而盟以顯昭明解志識也歲聘以脩其職業三

年而一朝正班爵之義率長幼之序六年而一會以訓上下

之則制財用之節十二年而一盟所以昭信義也凡八聘四

朝再會王一巡守盟于方嶽之下

正義

尚書周官曰六年五

服一朝云云

說左傳者以爲三年一朝六年一會十二年而盟事與周

禮不同謂之前代明王之法先儒未嘗措意不知異之所繇計彼六年一會與此六年五服一朝事相當也再會而盟與此十二年王乃時巡諸侯各朝於方岳亦相當也叔向盛陳此法以懼齊人使盟若周無此禮叔向妄說齊人當以辭拒之何所畏懼而敬以從命乎且云自古以來未之或失則當時猶尚行之不得爲前代之法脅當時之人明矣明周有此法禮文不具爾大行人所云見者皆言貢物或可因貢而見何必見者皆是君自朝乎遣使貢物亦應可矣大宗伯云時見曰會殷見曰同時見殷見不云年限時見曰會何必不是再朝而會乎殷見曰同何必不是再會而盟乎周公制禮若無此法豈成王謬言叔向妄說

也

書周官正義

餘詳駁證

魯人懼聽命

晉自平公以後霸業僅存到昭公時諸侯皆有貳心在晉無策不過埽境內之衆以治兵于邾南甲車至於四千乘夫晉霸之最盛者莫過於文公文公之戰最大者莫過於城濮不過七百乘當時能服強楚遂霸諸侯至於鞏之戰雖卻克再三請益兵不過至八百乘及楚靈王欲執韓宣子與叔向而遠啟疆亦不過曰晉長轂九百蓋當其盛時兵常在國雖有四五千乘所出不越千餘乘故力常有餘而能坐制諸侯至此霸業旣衰求以自振於是埽國內之衆而出欲以驚警諸國初不慮其後之不繼也然而主此

謀者叔向也叔向晉之賢大夫豈不知前出兵規模如此叔向之心見晉君侈六卿彊公室又卑叔向亦不能救免強圖須臾之安所以爲此舉看此事皆非叔向之本心先曰諸侯不可以不示威及晉將尋盟齊人不可叔向又奉命告於齊舉先王朝聘會盟之禮責之方得齊人懼而聽命叔向見諸侯解弛一會之間凡兩治兵及於治邾莒之愬又是叔向責魯時惠伯對曰君信蠻夷之訴以絕兄弟之國又奮然言之曰寡君有甲車四千乘在雖以無道行之必可畏也攷此一會全是叔向強主張振厲奮發如此然叔向豈得已哉亦圖於衰弱之中少振起之故不得已

如此

呂氏春秋左氏傳說十二

鄭伯男也而使從公侯之貢解言鄭國在甸服外爵列伯子男不應出公侯之貢正義鄭衆服虔云鄭伯爵在男服也云

云

賈逵以爲鄭伯爵在男畿

案與鄭服說同未知孰誤

鄭距王城三百餘

里而得在男畿者鄭志荅趙商云此鄭伯男者非男畿乃

謂子男也

案盧氏文弼校云疑當作非男爵乃謂畿子男也履繩案非男爲句畿字當在謂下

先鄭

之於王城爲在畿內之諸侯雖爵爲侯伯周之舊俗皆食

子男之地故云鄭伯男也是鄭意與賈說異

詩鄭譜正義

周語

載富辰諫以翟伐鄭之言曰翟無列於王室鄭伯南也王

而卑之是不尊貴也此與子產言鄭伯男也而使共公侯

之賦男字音同而字異

案男南通用

先儒訓南爲在南服或曰

南面

案賈侍中說見周語注

韋昭謂在男服以爲周自康王後西都

鎬京土地減損車服改易故鄭在男服不知何據此當從

伯子男一等之言

葉夢得春秋攷七

公侯爲一列伯子男爲一列

言鄭伯子男之列也非公侯之列也故爲伯者從子男之

貢可從公侯之貢不可

邵氏左

董仲舒春秋繁露云周爵五

等春秋三等

見三代改制篇

合伯子男爲一爵故云伯男公羊桓

十一年鄭忽出奔衛傳云忽何以名春秋伯子男一也辭

無所貶何休云春秋改周之文從殷之質合伯子男爲一

惠氏補注五

餘詳倍四年凡說

貢之無藝

解

藝法制正義服虔云藝極也一曰常也

文六年傳陳之藝極注引此傳文云藝準也

陸氏附注三

案

十年傳布常無藝解與此同外傳越語下韋注云藝射的也無藝無常所也故杜訓爲準

及中人解中山望都縣西北有中人城

中人在直隸保定府唐縣東北十三里係鮮虞國地

春秋與圖

驅衝競解驅衝車與狄爭逐

衝車所以衝突敵之軍能陷破之也

呂氏春秋召類篇注臨臨車也

衝衝車也

詩皇矣傳

臨者在上臨下之名衝者從旁衝突之稱

故知二車不同兵書有作臨車衝車之法墨子有備衝之

篇知臨衝俱是車也

又正義案釋文衝說文作輶輶陷陣車也

房解汝南有吳防縣卽防國

房祁姓舜封堯子丹朱於房今蔡州遂平故吳房縣是也

以楚後封吳王弟夫槩於此故謂之吳房

本漢地理志汝南郡下注

志氏族

房朱封防也昭王取房后今蔡之遂平西南四十

里吳房故城孟康云本房子國

路史國名紀四

房國今河南汝寧

府遂平縣治

春秋輿圖

案外傳周語昭王娶於房曰房后實

有爽德協于丹朱故唐書宰相世系表

下亦以為丹朱國

房防音同本通用兩漢志晉志作吳房史記項羽本紀封

楊武為吳防侯仙人唐公房碑隸法作房其戶在側郡國

志五引華陽國志作唐公防可證魯有房地見定五年即

防也

四昭

上臣欲張公室也

解張強也

物之小者張之使大若左傳稱張公室謂使公室彊大是

張為大之義也

詩韓奕正義案桓六年隨張宣十八年以張公室注並訓為大與強義相通陸氏

附注以強義少迂當解為大亦太泥

子韓皙曰解齊大夫

昭七年齊有公孫皙子韓疑是其字

周氏附論

楚子使然丹簡上國之兵於宗丘解上國在國都之西西方

居上流故謂之上國宗丘楚地

鄭康成曰簡謂比數之

見周禮大司馬注惠氏補注五

宗丘當在今湖

廣宜呂府歸州境

大事表七之四

案晉韓地亦稱宗丘見傳十

五年

久而無成

成平也鄭司農說以春秋傳曰晉邴侯與雍子爭鄙田久

而無成

周禮秋官方士注案文七年惠伯成之杜解為平

鮒也鬻獄

周書酆保云十敗六曰佞說鬻獄韋昭云鬻賣也

見晉語九注

惠氏補注五

五昭春將禘于武公

此乃時禘記所謂春禘秋嘗之禘而非五年大祭追遠之

禘也二十五年將禘於襄公定八年禘于僖公並同唯閔

二年吉禘于莊公解云三年喪畢致新死者之主於廟廟

之遠主當遷入祧因是大祭以審昭穆謂之禘

顧氏補正下

吾見赤黑之禘解禘妖氣也

臣錯曰禘之為言侵也又浸也浸浸然將作也

說文禘字繫傳

非祭祥也喪氛也解蓋見於宗廟故以為非祭祥也氛惡氣也

氛般氣凶象也凶曰氛吉日祥

國語注

案祥與氛對舉

則別單文則通十八年傳將有大祥則以祥為惡徵已餘見後

辱必求之

辱字句求之求在上位也

邵氏左篇

去吳所以翦其翼也

楚靈王之後平王立國稍整頓規模方略奠枕再傳至昭王終有吳入郢之禍幾亡楚國其病源皆起於費無極之亂楚國其病根則又在於諸朝吳當時朝吳有功於楚與

平王是同體人無極欲害其寵用間諜使蔡逐朝吳夫朝
吳有佐命之功未有顯惡王怒曰余唯信吳故寘諸蔡且
微吳吾不及此女何故去之王之怒當矣使平王於此時
能正無極之罪必無後害卻被他讒佞辯給巧言移奪反
以爲忠無極以此一事試得平王之意自此全無忌憚其
後遂至譖逐太子建殺伍奢及昭王立又譖殺左右賢人
不已終至於神怒民怨此其所以幾危楚之社稷也

左氏傳
說十二

呂氏
春秋

六月丁巳朔日有食之

甲戌歲

大衍推五月丁巳朔食失一閏今歷推之是歲五月丁巳
朔加時在晝交分十三日九千五百六十七分入食限

元史

圍鼓解鼓白狄之別鉅鹿下曲陽縣有鼓聚

鼓在今直隸正定府晉州西今州治卽漢志所云鼓聚也

大事表

案鮮虞世族譜以爲白狄姬姓

詳昭

十二鼓乃白狄

別種故國名紀云鼓周之餘族而大事表謂鼓祁姓殊不

可解及檢通志氏族略二云今祁州鼓城縣是其地

國名紀同

蓋因此而誤

旣葬除喪

古人喪服由重受輕皆曰除喪故曰期而除喪道也此除

喪是除疏衰四升受以成布七升及除麻服葛

姚氏左傳補注

諸侯皆有以鎮撫王室解謂貢獻之物

師古曰鎮安也撫慰也

漢書高帝紀注案五行志中之上注師古曰鎮撫王室謂獻器物

也蓋謂諸侯脩貢以安慰王室耳

密須之鼓與其大路文所以大蒐也解密須姑姓國也在安定陰密縣文王伐之得其路鼓以蒐

密須由伯姑

國語周語中

伯姑密須之女也傳曰密須之鼓此

則文王所滅大雅云密人不恭敢距大邦不由嫁女而亡

世本云密須姑姓

又注

密須子裔

路史國名紀一

文王受命一年斷

虞芮之訟二年伐邠三年伐密須

尚書大傳本紀同說詳詩文王之

紀年與此異

文王曰

案大雅皇矣正義引皇甫謐案大雅皇矣正義引皇甫謐

吾欲用

兵誰可伐

案謚作吾周兵孰可此下有太公曰三字

密須氏疑於我

案詩正義云疑周將

叛殷顧拒其徵發

可先往伐

案謚作我

管叔曰不可其君天下之

明君也伐之不義太公望曰臣聞之先王伐枉不伐順

作臣聞先王之伐也伐逆不伐順伐嶮不伐易伐過不伐不及

王曰善遂伐密須氏滅之也

說苑指武篇

密須之民自縛其主

而與文王

呂氏春秋用民篇

陰密城陝西涇州靈臺縣西五十里

案今屬甘肅省古密國也周文王伐密詩所稱密人不恭此矣左

傳密須之鼓與其大路文所以大蒐也國語周恭王遊涇

上密康公從蓋即密國之後矣

讀史方輿紀要五十八

餘詳僖十

七年

闕鞏之甲

解

闕鞏國所出鎧

闕鞏周世侯伯之國

路史國名紀六

案郡國志河南尹有鞏縣注

鞏伯國

畢氏晉書地理志補正一

案路史國名紀五以鞏伯國為周

族卿之采此說當是卽昭廿二年之輩簡公也補正未確

且昔而高祖孫伯璣解孫伯璣晉正卿籍談九世祖正義其

九世之次世本云璣生司空頡頏生南里叔子子生叔正官

伯伯生司徒公公生曲沃正少襄襄生司功大伯伯生侯季

子子生籍游游生談談生秦是也九世之祖稱高祖者言是

高遠之祖也郊子以少皞為高祖意與此同案程氏世譜六

頡生叔子叔子生官正官正生司徒公司徒公生少

師古曰而亦汝漢書五行志曾祖之父為高祖然自是已

上亦通謂之高祖左傳昭公十七年郊子曰我高祖少皞

摯之立也則以始祖為高祖昭公十五年王謂籍談曰昔

而高祖孫伯璣則謂其九世祖為高祖案周書康王之誥

無垓我高祖寡命高祖文武也在康王之世稱文武爲高

祖是又以曾祖父祖父爲高祖矣

潛丘割記四下

晉文侯仇弟陽

叔伯黶

通志氏族略四

臣召南案晉僖侯名司徒後遂諱之然則

籍氏之司徒公必在僖侯之前

左傳考證

案通志氏族略又

謂籍氏出於伯氏晉荀林父爲中行伯孫伯黶以王父字

爲氏潛夫論志氏姓篇云襄公之孫孫黶晉姬姓也今以

不諱司徒推之二說於世次均難符合其謂文侯弟者爲

近故取之餘詳桓六年駁證

及辛有之二子董之晉於是乎有董史解辛有周人也其二

子適晉爲大史籍黶與之共董督晉典因爲董氏董狐其後

正義僖二十二年傳曰平王之東遷也云云

晉語曰秦伯納公子董因迎於河章昭曰因晉大夫周太史辛有之後也引此傳爲證

惠氏補注五

案襄十八年董叔

外傳吳語董褐皆是其族

所樂必卒焉

漢書五行志中之上注

師古曰言志之所樂終於此事

王一歲而有三年之喪二焉解天子絕期唯服三年故后雖

期通謂之三年喪正義喪服斬衰三年章內有父爲長子傳

曰何以三年也云云

喪服小記曰爲父母妻長子禫據禮妻爲夫臣爲君亦禫記無文者三年之喪必有禫自不待言此以父母長子與妻並舉則通謂期有禫者也爲父母禫蓋爲人後者爲其

父母亦然爲長子禫蓋庶子爲其長子亦然凡父母妻長子並有三年之義雖持重於大宗者不貳斬庶子不得爲長子三年降而在期猶當有禫或疑不杖期並無禫非也雜記曰期之喪十一月而練十三月而祥十五月而禫有練有祥有禫故亦通稱三年如遭喪於甲年之末除禫於丙年之首前後已涉三年左傳王一歲而有三年之喪二焉謂后與太子墨子公孟曰君與父母妻後子死三年喪服後子者爲父後之子卽長子也國策謂齊太子是妻喪中爲後子荀子謂丹朱爲堯後子其義並同是妻喪禫期兼得三年之稱也蓋有二十五月之三年有十五月之三年亦猶大功有七月九月之異耳二十五月之三年其降也禫期父母十五月之三年其降也不禫期妻
長子
廣森禮

學厄言五 答趙商云天子諸侯之喪皆斬衰無期見儀禮喪廣

林謂此答據父在為祖則不誤謂天子諸侯直無期服外

矣大功章云君為姑姊妹女子子嫁於國君者云君關天

子諸侯是功總皆有之況期乎天子諸侯絕旁期正統之

期自不降周禮司服云卿大夫凶服加以大功小功中庸

云期之喪達乎大夫主謂正服耳左傳雖貴遂服即道服

也鄭氏喪大記注云禫或皆作道又士虞記注云古文禫

或為導導道古通用則道服即禫服也案說文禫字下讀

導繫傳云古無禫字借導字為之 凡喪服有練有祥有禫三者咸備即為

三年周景王之后及太子壽卒父為長子三年也為妻齊

衰期父不在為妻禫故叔向云王有三年之喪二焉孔廣

林北

海經學
決疑

或問父在爲母期期之喪莫有重焉爲妻服與此

同得毋甚與曰非甚也段成式酉陽雜俎解得致精一切

傳注未及曰今之士大夫喪妻往往杖者據禮彼以父服

我案公羊莊廿四年傳注妻事夫
有四義三年側隱父子之恩也我以母服報之杖同削

杖也使子夏復生聞之亦應首肯且不特削杖一也拜用

稽顙二也十一月而練十三月而祥十五月而禫三也爲

母期雖除猶申心喪三年爲妻禫已過夫必三年然後娶

以達子之志種種皆同豈他旁親之期所敢並與潛丘割
記四下

三年之喪雖貴遂服禮也解天子諸侯除喪當在卒哭今王

既葬而除故譏其不遂

晉書羊祜傳文帝崩祜謂傅玄曰三年之喪雖貴遂服自

天子達漢文除之今主上天縱至孝雖奪服實行喪禮若
因此革漢魏之薄而興先王之法不亦善乎玄曰漢文以
末世淺薄不能行國君之喪故因而除之除之數百年一
旦復古難行也祐曰不能使天下如禮且使人主遂服不
猶善乎玄曰此爲有父子而無君臣三綱之道虧矣祐乃
止傳玄之言所謂禦人以口給者也不能緣人主之孝思
善推其所爲以立一王之制而徒以徇流俗之失未幾而
賈后殺姑劉石更帝豈非詭謀之不裕哉

日知錄
十四

昭十 六 使然丹誘戎蠻子嘉

戎蠻子洛戎之別種

俞氏春秋集傳釋義大成十一年餘詳成六年

齊師至于蒲隧解蒲隧徐地下邳取慮縣東有蒲如陂案路

名紀六引杜作下邳取慮東南有蒲如城
續漢書郡國志三引作縣東有蒲姑陂

徐地蒲隧東海昌慮縣東有蒲鄉杜氏土地名案此與集解

互異存疑也日講春秋解義云蒲隧在江南虹縣北縣

即古取慮也虹縣今廢并屬江蘇徐州府睢寧縣其昌慮

縣為今山東兗州府之滕縣

賂以甲父之鼎解甲父古國名高平昌邑縣東南有甲父亭

今昌邑城在山東金鄉縣西北案縣屬濟寧州日講春秋解義五十二

孔張後至解孔張子孔之孫

孔張公孫申子張杜氏世族譜案孔張以王父字為氏公孫

泄之子泄見昭七鄭別有公孫申譜以為雜人見成四

幾為之笑而不陵我解言數見笑則必陵侮我

言寧有幾次爲之笑而不陵我者乎與十年傳幾千人而

國不亡二十四年傳幾如是而不亡郢義同

顧氏補正下

孔張君之昆孫子孔之後也解昆兄也子孔鄭襄公兄孔張之祖父

來孫之子爲昴孫

爾雅釋親

昴後也汲冢竹書曰不畱之昴孫

又昆孫爲遠孫之統稱昭十六年傳云孔張君之昆孫案

孔張爲鄭穆公之曾孫今云昆孫者散文言之遠孫俱得

稱昆孫也

邵氏爾雅正義五

宣子有環其一在鄭商解玉環同工共朴自共爲雙

淮南子

道應訓

曰立玉百工高誘曰二玉爲一工故云同

昭公卅二年傳云賜子家雙琥倉頡篇云雙玉爲珏是共

朴也

惠氏補注五

不亦銳乎解銳細小也正義銳是鋒芒不得爲圻

正義曰說文云銳芒也鋒芒尖故爲細小言得利小也服

虔云銳圻也銳是鋒芒不得爲圻自說文至銳圻也二十

四字今本脫去宋本有之故備錄焉

惠氏補注五

執政弗義

高誘戰國策

秦二

注云弗義不以爲義也

惠氏補注五

斬之蓬蒿藜藿而共處之

釋草云齧彫蓬薦黍蓬詩曰首如飛蓬蓬蒿屬草之不理

者也其葉散生如蓬末大於本故遇風輒拔而旋騶虞一

章曰彼茁者葭二章曰彼茁者蓬葭澤草也蓬陸草也晏

子曰蒿草之高者也爾雅曰藜之醜秋爲蒿蓋藜之類至

秋則高大矣故通呼爲蒿也

埤雅十五案古今韻會舉要七云藜蕭蔚莪之類春生

氣味既異其名不同至秋老成則皆爲蒿爾雅注曰藜之科大如樹可爲帚一

名王翬江東呼落帚爾雅翼北山有萊疏曰萊藜也莖葉

皆似王芻兗州烝爲茹又可爲杖

古今韻會舉要四

藿說文莖草

一曰拜商藿爾雅商藿亦似藜左傳斬之蓬蒿藜藿而共

處

韻會舉要二十二

是桓公寄帑之時商人亦從而寄至武公遂

取而與居之也

詩鄭譜正義

鄭鄙邑也亦弗爲也解不欲爲鄙邑之事

鄙邑且弗爲也而況國乎

邵氏左傳

子產賦鄭之羔裘解言鄭別於唐羔裘也取其彼己之子舍

命不渝邦之彥兮以美韓子

亦別於檜之羔裘也

尚靜齋經說

不渝下脫邦之司直四字

陸氏

附注

善哉子之言是不有是事其能終乎解是褰裳韓起不欲令鄭求他人子大叔拜以答之所以晉鄭終善正義不有是告他人之事其能終相善乎

傅氏曰人情相與翫習恆不善其終惟有是警戒當能終

於好

顧氏補正下案今傅氏辯誤刊本無此條

將因是以習習實爲常

周書常訓解曰好惡生變變習生常又曰民生而有習有

常以習爲常序曰積習生常傳義本此

尚靜齋經說

使屠擊解鄆大夫

雜人屠擊杜氏世族譜

孔廣斌曰晉有屠擊見僖廿八年

奪之官邑

斬木疑卽暴庭之意細人任其冒臆大人通乎義理奪之

官邑是整飭治道振肅紀綱非細故也慎氏闡義

昭十夏六月甲戌朔日有食之丙子歲

姜氏云六月乙巳朔交分不叶不應食當誤大衍云當在

九月朔六月不應食姜氏是也今歷推之是歲九月甲戌

朔加時在盡交分二十六日七千六百五十分入食限元史

歷志別詳駁證

唯正月朔慤未作日有食之於是乎有伐鼓用幣禮也解正

月謂建巳正陽之月也於周爲六月於夏爲四月慝陰氣也四月純陽用事陰氣未動而侵陽災重故有伐鼓用幣之禮也

常夏四月是謂孟夏說曰正月謂周六月夏四月正陽純

乾之月也慝謂陰爻也冬至陽爻起初故曰復至建巳之

月爲純乾亡陰爻而陰侵陽爲災重故伐鼓用幣責陰之

禮漢書五行志下日食之變人君所當恐懼修省然建子建午

建卯建酉之月所謂二至二分日有食之或不爲災其餘

月則爲災爲災之尤重者則在建巳之月焉蓋自冬至一

陽生至此月而六陽並盛六陰並消於此而忽以陰侵陽

是謂以臣侵君故先王尤忌之夏家則瞽奏鼓嗇夫馳庶

人走周家則樂奏鼓祝用幣史用辭雖名有四月六月之別皆謂之正月正月者正陽之月非春王正月之月也案巳月之爲正月不特見左氏已見詩小雅所謂正月繁霜我心憂傷是也若以夏寅月周子月當之其繁霜曷足爲災異哉正陽日食爲古所尤忌亦不特見左氏又見詩小雅集傳蘇氏所謂純陽而食陽弱之甚十月純陰而食陰壯之甚十月之交朔月辛卯日有食之詩人以爲亦孔之醜是也其說皆與左互相發獨怪胡安國傳春秋於莊二十五年六月日食鼓用牲于社不從左氏正陽之義而反遠引盾征九月日食瞽奏鼓之禮若以凡日食卽當然者豈誠以左氏爲浮誇而以古文尚書爲真合夏之典禮也

耶又案左氏引夏書雖云日食典禮未知的在何王之世故劉歆三統歷不載後造大同歷者始推之爲仲康元年唐傅仁均等又以爲五年癸巳疑皆因晚出書傳會爲此猶劉原父七經小傳謂詩皆夏正無周正自鄭箋十月之交云周之十月夏之八月後造歷者於幽王六年酉月辛卯朔果日食矣疑出於傳會卓哉特識

尚書古文疏證一

君不舉辟移時解辟正寢過日食時

不舉去樂也避移時避正堂須時移災復也

漢書五行志下之下

嗇夫馳庶人走正義孔安國云嗇夫主幣之官

云云

嗇夫掌幣吏庶人其徒役也

漢書五行志下之下

夫子將有異志不君君矣解安君之災故曰有異志

正義曰

食陰侵陽臣侵君之象云云

日食而用幣於社所以廣敬君也今卒不行是禮故曰不

君君矣

邵氏左

日者人君之表不救日食是有無君之心

顧氏

補正

昭子問焉曰少皞氏鳥名官何故也解少皞金天氏黃帝之

子已姓之祖也問何故以鳥名官正義帝系云黃帝生玄囂

也史記云云

考德曰

師古曰考五帝德之書也

少昊曰清清者黃帝之子清陽也是

其子孫名摯立土生金故爲金德天下號曰金天氏周舉

其樂故易不載序於行

漢書律歷志下

案少皞氏見文十八年因注疏於此獨詳故附此

傳周書嘗麥曰乃命少皞清司馬鳥師以正五帝之官昭

子見周志有是言而未之詳也故問之案史記言黃帝二

子其一曰玄囂是爲青陽降居江水

見五帝本紀

張衡集條上

司馬遷班固所敘與典籍不合者十餘事其一事曰帝系

黃帝產青陽昌意周書曰乃命少皞清即青陽也今宜

實定之

見後漢書張衡傳注

故世本及春秋緯皆言青陽卽是少皞

黃帝之子代黃帝而有天下號曰金天氏史記言青陽降

居江水不爲帝故張平子正之汲郡古文云少皞名清不

居帝位帥鳥師居西方以鳥紀官

見竹書紀年

蓋本周書之說

惠氏補

注五

臣召南案魯是少皞之虛郊乃少皞之裔故問之

左傳考證

昔者黃帝氏解黃帝軒轅氏姬姓之祖也

易曰神農氏沒黃帝氏作火生土故爲上德與炎帝之後戰於阪泉遂王天下始垂衣裳有軒冕之服故天下號曰

軒轅氏

案文十八年稱帝鴻氏漢書律歷志下

炎帝氏以火紀故爲火師而火名解炎帝神農氏姜姓之祖也亦有火瑞以火紀事名百官

易曰炮犧氏沒神農氏作言共工伯而不王雖有水德非其序也以火承木故爲炎帝教民耕農故天下號曰神農

氏

漢書律歷志下

張晏曰神農有火星之瑞因以名師與官也

漢書

百官公卿表上注

共工氏以水紀故爲水師而水名解共工氏以諸侯霸有九州者在神農前大皞後亦受水瑞以水名官

共工氏伯者名戲弘農之間有城國語魯語上注祭典曰師古曰

祭法共工氏伯九域言雖有水德在火木之間非其序也

任知刑以彊故伯而不王

漢書律歷志下

大皞氏以龍紀故爲龍師而龍名解大皞伏犧氏風姓之祖也有龍瑞故以龍命官

郊子據少昊受黃帝黃帝受炎帝炎帝受共工共工受太

昊故先言黃帝上及太昊稽之於易炮犧神農黃帝相繼

之世可知漢書律歷志下張晏曰庖羲將興神龍負圖而至因以

名師與官也漢書百官公卿表上注皇甫謐帝王世紀曰太昊庖犧

氏風姓有景龍之瑞故以龍紀官

初學記鱗介部

自顓頊以來不能紀遠乃紀於近爲民師而命以民事則不

能故也解顓頊氏代少皞者德不能致遠瑞而以民事命官

春秋外傳曰少昊之衰九黎亂德顓頊受之迺命重黎見楚

下蒼林昌意之子也金生水故為水德天下號曰高陽氏

周魯其樂故易不載序於行案文十八年稱高陽氏漢書律歷志下服注云

自少皞以上天子之號以其德百官之號以其徵自顓頊

以來天子之號以其地百官之紀以其事案賈公彥周禮

因天下之號象其德而官之號象其徵顓頊以來天下之號

因其地百官之號因其事事即司徒司馬之類是也疑此

本服氏說則伏羲神農黃帝少皞皆以德為號也高陽高辛唐

虞皆以地為號也雖以地為號兼有德號則帝嚳顓頊堯

舜是其德號案此八語詳文義亦是服注余氏古經解鈎沈嚴氏內傳古注輯存並不采禮記月令

正義服注顓頊之下云春官為木正夏官為火正秋官為金

正冬官為水正中官為土正高辛氏因之

賈公彥周禮正義序案余氏

鉤沈云又見路史後紀注九

案本傳正義引服氏說雲火水龍之官

名殊滋傅會惟顓頊之官不援其語蓋以民事命官即本

昭廿九年傳文耳應劭注漢書百官公卿表其言龍火雲

以及民師並同服氏知當時師承如是

官學在四夷

案石經重一官字家語辯物篇王肅注云孔子稱官學在四夷似正文本有官字轉寫脫去

所謂夷非夷狄其人也言周魯俱衰典章闕壞而遠方小

國之君乃知前古官名之沿革蓋錄之也亦如孟子謂舜

為東夷之人文王為西夷之人為言遠也或者遂以郊為

夷國失之矣

家氏春秋詳說二十五

涉自棘津經河津名

服虔曰棘津猶孟津也徐廣晉紀又言石勒自葛陂寇河

北襲汲人向冰於枋頭濟自棘棘津在東郡河內之間田

融以爲卽石濟南津也

水經河

棘津今在河南衛輝府汲

縣南七里

大事表九

其衆奔甘鹿解甘鹿周地

河南府宜陽縣有鹿蹏山甘水所出甘鹿疑以此得名

春秋

地名攷

獻俘于文宮解欲以應夢

以爲文公於夢中所命故獻俘以告成事

傳氏辯誤下

天事恆象解天道恆以象類告示人

鄭司農云象謂蓄變雲物如衆赤鳥之屬

見哀六年

有所象似

易曰天垂象見吉凶春秋傳曰天事恆象皆是也

周禮春官大卜

注此句蓋相傳古語外傳周語上內史過曰天事恆象

章

恆常也事善象吉事惡象凶

晉語四子犯曰天事必象是也

尚靜齋經說

其與

其與語辭猶曰其諸

邵氏左鱗

詳見古音

夏數得天解得天正

正義斗柄所指云云

周書周月曰萬物春生夏長秋收冬藏天地之正四時之

極不易之道夏數得天百王所同商周改正以垂三統至

於敬授民時巡守祭享猶自夏焉故易乾鑿度曰三王之

郊一用夏正

惠氏補注五

水火之牡也其以丙子若壬午作乎水火所以合也

解牡雄

也丙午火壬子水水火合而相薄水少而火多故水不勝火

正義陰陽之書有五行嫁娶之法云云

張晏曰水以天一爲地二牡丙與午南方火也子及壬北

方水也又其配合

漢書五行志下之下注

昭九年春秋傳曰火水妃

也妃合也陰陽書有五行妃合之說甲乙木也丙丁火也

戊己土也庚辛金也壬癸水也木克土土克水水克火火

克金金克木火畏水以丁爲壬妃故一與二合丁壬也土

畏木以己爲甲妃故三與十合甲己也水畏土以癸爲戊

妃故五與六合戊癸也金畏火以辛爲丙妃故七與四合

丙辛也木畏金以乙爲庚妃故九與八合乙庚也是以鄭

注鴻範星有好風星有好雨云中央土氣爲風東方木氣

爲雨箕屬東方木木克土是土十爲木三妃尚妃之所好
故箕好風也西方金氣爲陰克東方木木八爲金九妃畢
屬西方尚妃之所好故好雨推此而往南宮好暘北宮好
燠中宮四季好寒是由己所克而得其妃從其妃之所好
是天地五行相合之義也詳見昭九年惠氏周易逆繫辭上傳疏水爲夫火
爲妻夫從妻所好故以合日爲災惠氏補注五
且楚故

儲氏同人曰楚故楚之故事也

慎氏闡義

吉解得吉兆

鄭司農云果謂以勇決爲之若吳伐楚楚司馬子魚卜戰
令龜曰魴也以其屬死之楚師繼之尚大克之吉是也周禮

春官大

卜注

戰于長岸解長岸楚地

地譜曰水戰也

張氏春秋集注九

今江南安徽太平府當塗縣西南

三十里有西梁山與和州南七十里之東梁山夾江相對如門之闕亦曰天門山郡國志云春秋楚獲吳乘舟餘皇處也歷代爲建康西偏之要地大事表七之四

補釋廿五

補釋廿六年起昭公十八年盡廿二年

左通一

錢塘梁履繩學

昭十是昆吾稔之日也解昆吾夏伯也稔熟也侈惡積熟以

乙卯日與桀同誅正義詩云韋顧既伐昆吾夏桀共桀同文

又傳云乙卯亡知以乙卯日與桀同時誅

帝王世紀曰安邑縣案縣今屬山西解州西有鳴條陌湯伐桀戰昆

吾亭左傳昆吾與桀同日亡續漢書郡國志注於左氏昆吾在衛

見哀十七年乃在濮陽不得與桀異處同日而亡明昆吾亦來

安邑欲以衛桀故同日亡而安邑有其亭也書湯誓序正義別

詳九年駁證

而毛得以濟侈於王都

濟謂度也度於奢侈謂僭也

文選張平子東京賦薛綜注

是謂融風火之始也解東北曰融風融風木也木火母故曰火之始

淮南子墜形曰東北曰炎風高誘注艮氣所生也一曰融

風

惠氏補注五

七日其火作乎解從丙子至壬午七日壬午水火合之日故

知當火作

張晏曰自丙子至壬午凡七日既其配合之日又火以七

為紀

漢書五行志下注

大甚正義至壬午而風又大甚

師古曰太甚者又更甚也

漢書五行志下注

案釋文大甚本

或作火甚不云音泰傳中大作泰讀者重點以別之漢書引傳及注並作太義與大得通或本爲大傳寫加點惜無古本校之

梓愼登大庭氏之庫以望之解大庭氏古國名在魯城內魯於其處作庫高顯故登以望氣正義大庭氏古天子之國名也先儒舊說皆云炎帝號神農氏一曰大庭氏服虔云在黃帝前云云玄卿以爲孔子登泰山見吳門外之白馬離婁觀千里之毫末

魯者少皞摯之墟也國中有大庭氏之庫則大庭氏亦居

茲乎

謂魯

左氏傳注云大庭氏古亡國之君在黃帝前其

處高顯

周禮地官誦訓疏案此服注文

大庭氏庫在山東兗州府曲阜

縣東晉譙周曰曲阜城東有大庭坡炎帝所居讀史方輿紀要三十

二傳書或言顏淵與孔子俱上魯太山孔子東南望吳閭

門外有繫白馬引顏淵指以示之曰若見吳閭門乎顏淵

曰見之孔子曰門外何有曰有如繫練之狀孔子撫其目

而正之因與俱下下而顏淵髮白齒落遂以病死論衡書虛篇

纏子董無心曰離婁之目察秋毫之末於百步之外文選班孟

堅荅賓戲注離朱司馬云黃帝時人百步見秋豪之末一云見

千里鍼鋒莊子駢拇釋文

寶以保民也

易繫辭聖人之大寶曰位孟本寶作保史記周本紀云命

南宮括史佚展九鼎保玉徐廣曰保一作寶隸續李氏竟

銘明如日月世之保洪云博古圖又有漢尚方一鏡銘云
壽比金石國之保皆以保爲寶今傳言寶有保義宜二字
之互爲通用也

尚靜齋
經說

將有大祥解祥變異之氣

正義祥者善惡之徵云云

異自內生曰告自外曰祥

易復卦
釋文

祥是善之徵妖是惡之

徵此妖祥相對若散文祥亦是惡徵毫有祥桑之類是也

周禮春官
眠祓疏

使司寇出新客解

新來聘者

禁舊客勿出於宮解爲其知

國情不欲令去

有新客搜出之爲觀釁也禁舊客爲露情也

淮南時
則訓注

使子寬子上巡羣屏攝

解

二子鄭大夫屏攝祭祀之位

正義

子寬游吉之子世族譜子寬與游速渾罕爲一人駟帶字子上六年死矣此別有子上非駟帶也世族譜雜人內有子上無子寬明子寬與渾罕爲一人也楚語說事神之禮云云

游速子寬子太叔子

游速見定六年子寬孔氏本作子期

子寬渾罕

見昭四年雜

人子上

駟帶子上見駟氏內杜氏世族譜

周氏云

案惠氏注漢儒說春秋者周仲文也

屏并

也攝主人之位昭謂屏屏風也攝形如今要扇皆所以明

尊卑爲祭祀之位近漢亦然

國語楚語下注

服氏云屏猶并也謂

攝主不備并之其位不得在正主之位卽引曾子問云若

宗子有罪居于他國庶子爲大夫其祭也祝曰孝子某使

介子某執其常事又云攝主不厭祭不旅不假不綏祭不

配是其攝主并之事左氏昭十八年夏五月宋衛陳鄭災

時鄭子產使子寬子上巡羣屏攝彼鄭司農云束茅以爲

屏蔽

案本傳正義引鄭衆云攝束茅以爲屏蔽據此則下攝字爲衍

祭神之處革易然

故巡行之此屏攝義與國語異

周禮春官宗伯序文疏

案今本杜

譜列游速渾罕爲二人特並字子寬耳正義引爲一人疑

譌

使祝史徒主祔於周廟解祔廟主石函周廟厲王廟也

臣召南案傳云鄭祖厲王則當時僭禮諸侯亦祖天子

左傳

考證

與之材

金耀辰曰材門材也

鄙人藉稻解鄙國今琅邪開陽縣妘姓國也其君自出藉稻

蓋履行之正義鄆為妘姓世本文也云云

鄆子壽風姓一云妘姓通志氏族略二鄆國在山東沂州府蘭山

縣北一十五里後入魯為啟陽見哀三春秋輿圖藉稻若今路田

也陳深讀春秋編十案舊唐書李百藥傳七歲解屬文父友陸父馬元熙嘗造德林燕集有讀徐陵文者云既

取成周之禾將刈琅邪之稻並不知其事百藥時侍立進日傳稱鄆人藉稻杜預注云鄆國在琅邪開陽父等大驚

之異

能無亂乎

周之替也自原伯魯之不說學秦之亡也自子楚之不習

誦見戰國秦策五困學紀聞六

楚子使王子勝遷許於析實白羽解自葉遷也於傳時白羽

改為析

白羽今爲河南南陽府內鄉縣大事表七之四

昭十楚工尹赤遷陰于下陰解陰縣今屬南鄉郡

湖廣襄陽府光化縣西漢水北岸古陰縣城也春秋曰下

陰蓋陰地之戎遷於此讀史方輿紀要七十九

鄆陽解蔡邑

鄆陽在河南汝寧府新蔡縣境春秋輿圖

園蟲解蟲邾邑

蟲當在今山東濟寧州境日講春秋解義五十三

夏許悼公瘡五月戊辰飲大子止之藥卒

哀世子大子止杜氏世族譜今之治瘡以砒鍛而弭之多愈然

鍛不得法而反殺人悼公之死必此類也張氏春秋集注九

若大城城父而寘大子焉以通北方王收南方解城父今襄城城父縣

城父楚北境之邑今屬沛國北方宋鄭魯衛也南方謂吳

越也呂氏春秋慎行篇注據晉書地理志襄城郡統父城縣譙郡統

城父縣今杜解及土地名並作襄城城父縣乃傳寫倒誤

也孔廣林校經錄案水經汝水注史記楚世家王翦列傳正義引杜並誤案父城於漢屬

潁川郡城父屬沛郡後漢改隸汝南晉之父城屬襄城高河東謂

屬沛國是誤以北城父為夷城父已詳昭九年下

齊高發

偃昭十子張昭子昭廿九發襄子春秋分記世譜二

莒子奔紀鄆解莒邑也東海贛榆縣東北有紀城

贛榆縣今屬江南

江蘇

海州縣北七十五里有古紀鄣城事

大

表七之二

使孫書伐之解孫書陳無宇之子子占也

無宇二子恆書書字子占齊大夫伐莒有功景公賜姓孫

氏食采於樂安

唐書宰相世系表三下

案恆乃乞之子無宇之孫

本史記

恆與書非昆弟明矣且哀十一年傳陳僖子乞謂其

弟書此即杜氏所本唐表竟未攷及疏已詳見廿六年

紡焉以度而去之解因紡纊連所紡以度城而藏之

釋文引裴松之注魏志云古人謂藏爲去亦作弄漢書蘇

武傳掘野鼠去中實而食之師古曰去謂藏之也陳遵傳

皆藏去以爲榮師古曰去亦藏也

案漢書五行志下之上乃匿去之師古曰去藏

也音丘 魏志華佗傳去藥以待不祥臣松之案古語以藏

呂反 爲去顧氏補正下

及師至則投諸外解投繩城外隨之而出正義劉炫云唯投繩城外婦人不出今知不然者云云

宋徵璧兵法測要曰此婦宿懷深怨隨繩而出城中虛實當盡知之故敢於夜登也劉炫以爲唯投繩城外婦人不

出非也慎氏闡義

生絲

襄子絲杜氏世族譜

其父兄立子瑕解子瑕子游叔父駟乞

子瑕駟乞獻子杜氏世族譜立子瑕是叔父繼其兄子唐宣宗

之爲皇太叔蓋昉於此

日知錄十四

案下云立長親則子瑕

爲子游叔父明甚故子產以爲不順正義引世本云子游子瑕並公孫夏之子恐不可信

私族於謀而立長親解於私族之謀宜立親之長者

蓋言私謀於族倒文耳如云室於怒市於色又云魯故之

以

陸氏附注三

諺曰無過亂門

故詩曰毋過亂門所以遠之也

呂氏春秋原亂篇氏注逸詩也

案高

左氏傳引作諺

案廿二年傳人有言曰唯亂門之無過外傳周

語下人有言曰無過亂人之門注云亂人狂悖怨亂之人也過其門于其怒也與此傳義微異

沈尹戌曰解戌莊王曾孫葉公諸梁父也

戰國策所謂莫敖大心深入吳軍而死

楚策

以左氏考之

定即左司馬戌也

困學紀聞六

案吳師道國策注亦以戌即

大心也檢文十一年楚有成大心十二年稱令尹大孫伯
卒則大心或其字此大心疑亦是戌之字餘見駿證

龍圖于時門之外消淵解時門鄭城門也

消水在鄭城南知是城南門也

大事表七之二

昭春正二月己丑日南至解是歲朔旦冬至之歲也當言正

月己丑朔日南至時史失閏閏更在二月後故經因史而書
正月傳更具於二月記南至日以正歷也

魯昭公二十年己卯歲正月己丑朔旦冬至唐開元大衍

術

己丑巳正三刻

唐宣明術

己丑寅正三刻

宋崇寧紀元術

庚寅卯正初刻

宋統

天術

戊子亥正三刻

金重修大明術

庚寅辰初初刻

元授時術

戊子戌初三刻

江

氏永曰此年上距僖公五年一百三十三年平冬至二十八日十五小時一十一分二十六秒壬辰日申初初刻十一分約計加均及小輪徑差減時不過一日八九小時定冬至不過辛卯日卯辰之間而已必不能減至己丑而傳載己丑日南至以此知春秋時步冬至恆先天二三日也且魯律前年失閏此年日南至在二月夫周以子月爲正日至必無在二月者當時梓愼輩徒知望氛祥占禍福於時月之易明者猶不能正何能實測冬至與天昭合乎大衍宣明紀元重修大明斗分有多少故日名有合有不合

若統天授時皆以活法求之又先己丑一日失之愈遠矣

同一左氏傳也丙寅之冬至則合僖五年丙寅歲己卯之冬至則

違亦可見活法之有時窮矣由今觀之違者固非合者亦

未盡是而元史立議乃以此至為日度失行見歷志一不亦誣

乎五禮通考百八十八

自以為猶宋鄭也齊晉又交輔之

猶如也呂氏春秋慎行篇注交夾也國語晉語三注

其事集矣

集合也呂氏春秋慎行篇注

使城父司馬奮揚殺大子

周禮夏官有都司馬鄭云都王子弟所封及三公采地也

司馬主其軍賦則此城父司馬卽周禮都司馬之職也

大事

表十奮氏高辛氏才子八元伯奮之後楚有奮揚

通志氏族略四

棠君尚解棠君奢之長子尚也爲棠邑大夫

堂棠也伍尚封號棠君今揚之六合秦漢之棠邑

路史國名紀三

詳襄十四年及此年攷異

親戚爲戮

史記宋世家箕子者紂親戚也

馬融王肅以爲紂之諸父服虔杜預以爲紂之庶兄

路史謂但言親戚非諸父昆弟之稱非也

曲禮兄弟親戚稱其慈也疏曰

謂指族內戚指族外

古人稱其父子兄弟亦曰親戚韓詩外傳曾子

曰親戚旣沒雖欲孝誰爲孝此謂其父母左傳僖公二十

四年封建親戚以蕃屏周此謂其子弟昭公二十年棠君

尚謂其弟員曰親戚爲戮不可以莫之報也三國志張昭

謂孫權曰況今姦宄競逐豺狼滿道乃欲哀親戚顧禮制

此謂其父兄

戰國策蘇秦曰富貴則親戚畏懼蓋指其妻嫂日知錄二十四

言伐楚之利於州于解州于吳子僚

吳人立餘昧子州于號爲吳王僚也

吳越春秋一

案吳越之

君無諡有號如吳子乘卽壽夢諸樊卽遏餘祭卽戴吳夷

末卽句餘光卽闔廬夫差卽終繫

見定六年駿證

是也越君之號

具見竹書紀年

乃見縛設諸焉解縛諸勇士

鄆氏魯附庸國成六年魯取之子孫以國爲氏去邑作專

又作縛刺客專諸亦作縛諸卽其裔也

通志氏族略二

案設語

辭故杜氏祇稱鮒諸餘詳廣傳

公子御戎

宋平公子御戎字子邊

通志氏族略三

拘向勝向行於其廩

戊生五子曰勝曰宜

字子祿

曰鄭曰行

四子並無後

曰寧案昭十

九年傳杜預注寧向戊子也今族譜乃以寧爲向戊曾孫

誤矣

春秋分記世譜七

取大子欒與母弟辰公子地以爲質解欒景公也辰及地皆元公弟正義定十年經書宋公之弟辰當景公之世辰及地不得爲元公弟也世族譜辰地皆云元公子此諸本皆云元公弟當是轉寫誤耳

傳曰母弟者自太子樂而言杜預誤指爲元公母弟云春秋

分記世譜七

公南楚驂乘

雜人公南楚

杜氏世族譜

衛獻公之子楚字公南

通志氏族略三

案

襄廿九年公子荆字南楚亦獻公子若依鄭略則楚與荆爲昆弟何至名字相錯疑有譌舛履繩謂公者卽公子公孫之號故傳又稱南楚其後卽以公南爲氏潛夫論志氏姓云衛之公族公南氏廣韻公字下所引姓苑衛大夫公南文子是也

鴻駟魑

鴻氏大鴻氏之後也大鴻卽黃帝亦謂帝鴻氏左傳衛有

鴻駢魑

通志氏族略四

別見攷異

遇公于馬路之衢

此當爲城門內之衢路

大事表七之二

公如死烏解死烏衛地

據傳云公出華寅閉郭門踰而從公析朱鉏從竇出從公

又齊公孫青來聘從諸死烏當是郭門外東向適齊之地

也

大事表七之二

析朱鉏解朱鉏成子黑背孫

析氏朱鉏公子黑背之孫

詳見成十

以王父字爲氏謹案鄭公

孫黑字子皙楚公子黑肱亦字子皙今析朱鉏乃公子黑

背之孫疑析卽黑背之字耳皙亦作析

通志氏族略三

案魯亦

有析朱鉏見哀八年

齊氏之宰渠子召北宮子北宮氏之宰不與聞謀殺渠子遂伐齊氏滅之

天下有道則禮樂征伐自天子出及其衰也自諸侯出又其衰也自大夫出又其衰也自陪臣出春秋時自平王失政諸侯交爭五霸迭興主盟諸夏此所謂自諸侯出也至於雞澤濮梁之會諸侯失政大夫主盟會之權一時政令盡出於大夫諸侯皆不能制所謂自大夫出也至魯昭公之世大夫失政所謂自陪臣出觀衛靈公出奔則自陪臣出之兆當時齊豹率大夫北宮喜之徒作亂逐靈公于外至公得歸乃齊氏之家臣渠子召北宮子同謀北宮氏之

宰不與其謀乃殺渠子滅齊氏而公入當時北宮子爲家
臣所制俯首聽命齊氏之亂大夫不能平皆北宮宰之力
後之學者見陽虎專政以爲陪臣專政自陽虎始殊不知
數十年之前已有北宮宰矣蓋北宮宰之事隱陽虎之事
顯所以學者多舍北宮宰而惟陽虎之是責呂氏春秋左氏傳說十四
與北宮喜盟于彭水之上

清人在彭酈氏以清陽亭卽故清人城引此詩清人在彭

見水經

渠水注當是此地左氏衛侯北宮喜盟于彭水之上衛鄭

相近彭或是此

王氏詩總聞四

清詳閔二年案毛傳彭衛之河

上鄭之郊也王景文說本之

子玉霄子高魴

子玉氏姬姓衛大夫子玉霄之後通志氏族略三衛有子高子玉

之氏路史高辛紀下案世族譜雜人內列子玉霄與子高魴明

是二人乃高氏姓名同異攷以子玉爲一人霄子及高魴

爲二人誤已

閏月戊辰

閏八月丁巳小

杜氏經傳長歷案顧氏朔閏表云上有八月則知閏在八月也

且言子石解子石公孫青正義案世本頃公生子夏勝勝生

子石青是也

頃公生五子曰靈公曰固無後曰鑄無後曰車無後曰勝勝生青

春秋分記世譜六青者石之類也周禮秋官職金凡金玉錫石丹

青之戒令鄭注云青空青也管子小稱篇丹青在山民知

而取之揆度篇秦明山之曾青山海經南山經青丘之山
其陰多青護漢書司馬相如傳子虛賦其土則丹青赭堊
張揖注云青青護也顏師古注云青護今之空青也神農
本草空青能化銅鐵鉛錫作金曾青能化金銅又有白青
扁青名醫別錄云空青生益州山谷及越嶲山有銅處銅
精重則生空青其腹中空陶隱居云曾青形累累如黃連
相綴色理小類空青唐本草注云白青圓如鐵珠色白而
腹不空亦謂之碧青扁青卽綠青也陶隱居云綠青卽用
畫綠色者亦出空青中相帶挾太平御覽引范子計然云
空青出巴郡白青亦出巴郡層青層同出弘農豫章周素
解故案八年傳逐子成子工子車解云子成頃公子固

也子工成之弟鑄也子車頃公之孫捷也十年傳反子城

與成通子公與工通公孫捷據此則捷為頃公之孫世譜於車

下獨稱其字疑傳寫有譌

苑何忌齊大夫

苑氏亦作宛狀云商武丁子先受封於苑因以為氏或音

怨非也左傳齊有苑何忌楚有苑春鄭有苑射犬通志氏族略二

詳僖廿八襄廿四攷異

琴張解孔子弟子字子開名牢正義家語云孔子弟子琴張

與宗魯友七十子篇云琴牢衛人字子開一字子張則以字

配姓為琴張三云

孟子琴張注謂子張善鼓琴蓋未知左傳有琴張

因學紀聞八

琴氏家語仲尼弟子琴牢字子開一名張衛人

通志氏族略四

案莊子則陽篇稱子牢司馬云卽琴牢據左氏孟子並稱琴張周秦名字解故云琴牢字子開一字子張說文牢閑養牛馬圈也周禮充人鄭注云牢閑也牢之訓爲閑有禁閉之意故字子開儀禮士喪禮牢中鄭注云牢讀爲樓樓爲削約疏云讀從樓者取縷斂狹少之意故又字子張通典於琴張云贈南陵伯於琴牢但云贈伯而無地名今陝西同州府白水縣蒼頡廟開寶八年碑陰列琴牢字子開琴張子開分爲二人疑誤

公子城解平公子

宋公子城字子邊

通志氏族略三

戰于鬼閭解潁川長平縣西北有閭亭

宋地鬼閭

杜氏土地名

今河南陳州府西華縣東北閭倉城是

也

大事表七之二

使少司寇輕以歸解輕華亥庶兄

宋司馬輕字牛

說文二上案司馬字之譌

梁丘據與裔款解二子齊嬖大夫

梁丘氏齊大夫食采梁丘

案莊卅二年梁丘為宋地

景公時有梁丘據

艾氏

案以地為氏見隱六年艾齊地

晏子春秋

一艾孔之後卽左傳裔款

也

通志氏略三

斬刈民力

斬艾百姓以草木諭也不養之也

淮南覽冥訓注

澤之萑蒲

萑音九廣雅云邁也邁音狄

易說卦釋文

詩緝小者曰萑中者

曰萑大者曰葭三物共十一名葦水草一名蘼荻似萑而細高數尺牛食之令肥彊又曰今人以爲簾箔因此得名是蘼蘼荻一物而三名也初生爲葢長大爲蘼成則名萑又名爲雛是一物而四名也初生爲葭長大爲蘼成則名葦又名蘼亦一物而四名也郭璞云葢似葦而小又云蘼似萑而細是蘼小於萑而萑小於葦也韻會葢中赤始生末黑黑已而赤故謂之葢其根旁行牽孫槃互其行無辨而又彊故又謂之蘼江東呼爲烏蘼至秋堅成謂之萑

詩集傳名物鈔四

蒲有二種皆生水澤周禮醯人云深蒲醯醢詩

許謙

澤陂云有蒲與荷蒲初生柔滑可食如笱成則以為席及

扇

禮記禮運云越席晉書謝安傳蒲葵扇

又有蒲桺詩揚之水云不流束蒲

宣傳云董澤之蒲是也

周氏附論

海之鹽蜃祈望守之

管子曰海王之國謹正鹽筴

正稅也

又曰釜十五吾受而官

出之以百則其立鹽官可知今設祈望之官利不在民又

非管仲之舊制已

周氏附論

古者川澤之饒與民共之自海王

之篇祈望之守作偏于齊至漢二十倍於古攷之漢志鹽

官三十有五唐有鹽之縣一百五本朝鹽所出者十二路

為池二為監七為場二十二

案全氏祖望云實止十六場蓋合六倉言之

為井

六百有九

案周氏祖望云王會要作井七百五十五

法益詳

而利無遺矣

困學紀聞四

蜃大蛤也天官鼈人掌取互物以時

籍魚鼈龜蜃地官掌蜃則掌斂互物蜃物以共闔墻之蜃

祭祀共蜃器之蜃共白盛之蜃然則一微物肉可以薦穀

可以飾器灰可闔墻飾牆又有珠爲用多矣故齊景公寅

祈望之官以守鹽蜃專百姓之利不特鼈人以時取之而

已而今之說者別以蜃爲龍蛇之類有耳有角背鬣皆紅

則與古異學者所不道

爾雅翼三十一

聊攝以東解聊攝齊西界也平原聊城縣東北有攝城

聊城今爲山東東昌府治治城自石晉汴宋以河患再徙

古聊城在今府西北十五里

春秋地名攷略三

攝一作聶水經注

聊城縣西二十五里有古聶邑僖元年次于聶北救邢卽

此蓋齊之西界近邾地也

大事表
七之一

姑尤以西解姑尤齊東界也姑水尤水皆在城陽郡東南入海

姑水今日大姑河發源于山東登州府黃縣西南三十里

之蹲狗山東南福山界又折而西南歷招遠萊陽以至平

度州南

案州屬萊州府

故即墨城尤水今日小姑河

案大姑小姑亦作大姑小

沽發源于萊州府東南三十里之馬鞍山亦東南流至平

度州與大姑河合通名姑河至即墨縣入海二水起北海

至南海行三百餘里繞齊東界

春秋地名
攷略三

齊侯田于沛

解沛澤名

釋文沛音貝

孟子曰汚池沛澤劉熙曰沛水草相半

後漢書崔駰傳注

沛即莊

八年田于貝丘史記作沛丘是也蓋地多水草故常田獵

于此

尚靜齋經說

晏子侍于遄臺

遄臺在山東青州府臨淄縣西五十里今俗呼爲歇馬臺

讀史方輿紀要三十五

和如羹焉水火醯醢鹽梅以亨魚肉正義此說和羹而不言

豉古人未有豉也云云

疏不言豉爲何物疑卽今之醬

陸氏三魚堂臆言四

案說文作菹

云配鹽幽未也繫傳云未豆也幽謂造之幽暗也蓋卽今

所作麴豉醬

燂之以薪解燂炊也

輝焱起貌

國語周語下注

七音解 周武王伐紂自午及子凡七日王因此以數合之以聲昭之故以七同其數以律和其聲謂之七音正義賈逵注周語云周有七音謂七律謂七器音也黃鍾爲宮大蕤爲商姑洗爲角林鍾爲徵南呂爲羽應鍾爲變宮蕤賓爲變徵云

淮南子曰姑洗生應鍾比於正音故爲和應鍾生蕤賓不比於正音故爲繆通典注曰應鍾爲變宮蕤賓爲變徵自殷以前但有五音自周以來加文武二聲謂之七聲五聲爲正二聲爲變變者和也蔡西山曰宮與商商與角徵與羽相去皆一律至角與徵羽與宮相去乃二律相去一律

則音節利相去二律則音節遠故角徵之間近徵收一聲
比徵少下故謂之變徵羽宮之間近宮收一聲少高於宮
故謂之變宮也

方中履古今
釋疑十一

據史記林鍾本位在丑南呂

本位在卯應鍾本位在巳以居其衝故在未酉亥之位也
然則黃鍾下生林鍾林鍾上生太簇太簇下生南呂南呂
上生姑洗姑洗下生應鍾應鍾上生蕤賓此七聲者乃是
自子至午之律陽氣自始生至於極之數也律紀陽氣而
黃鍾一均尤爲聲氣之元故其七聲之用獨與陽氣終始
理既如此又伐殷之月日月星辰之躔自天龍子位至於
鶉火午位是此七舍者諸曜所經復適直周家受命之符
故武王欲以七律應之其言自鶉至駟七列者蓋謂若止

於五聲則用不及鶉而止於駟故言自鶉至駟尚有七列
必兼而用之然後子午南北之揆與律同七聲合也

李光地古

樂經傳四

若琴瑟之專壹誰能聽之

言琴瑟專一唯有一聲不得成樂

禮記樂記正義

昔爽鳩氏始居此地季荊因之有逢伯陵因之蒲姑氏因之
而後大公因之

解爽鳩氏少皞氏之司寇也云云

少昊之世有爽鳩氏虞夏時有季荊湯時有逢公柏陵殷

末有薄姑氏皆為諸侯國此地至周成王時薄姑氏與四

國共作亂

案詩破斧傳云四國管蔡商奄也

成王滅之以封師尚父是為

太公

漢書地理志下

師古曰武王封太公于齊初未得爽鳩之地

成王以益之也

注又

其次莫如猛

爲政用猛非君子之道或因太叔所偏而矯之

趙氏補注九

夫火烈民望而畏之故鮮死焉水懦弱民狎而翫之則多死焉

表記云水之於民也親而不尊火尊而不親緇衣云小人

溺於水水近於人而溺人亦卽此義

尚靜齋經說

火明象也明

其法使不敢犯不以焦爛爲功也

袁枚小倉山房文集二十三

疾數月而卒

吾往爲臺郎嘗以公事使過密縣之邠山山上有冢問耕父云是鄭大夫祭仲或云子產之冢也遂率從者祭而觀

焉其造家居山之頂四望周遠遠山體南北之正而邪東北向新鄭城意不忘本也其隧道唯塞其後而空其前不填之示藏無珍寶不取於重深也山多美石不用必集洧水自然之石以爲冢藏貴不勞工巧而此石不入世用也君子尚其有情小人無利可動歷千載無毀儉之致也晉書

杜預傳案水經潁水注陘山上有鄭祭仲冢冢西有子產墓累石爲方墳墳東有廟並東北向鄭城杜元凱言不

忘本

取人於萑苻之澤解萑苻澤名

中牟縣西北七里有圃田澤范守已據穆天子傳以爲自

洧川之北直抵中牟之西東連尉氏西接新鄭案中牟洧川尉氏新

鄭四縣並屬河南開封府周回三百餘里總謂之圃田案圃田卽原穆

圃見傳卅三

天子傳天子次子軍丘以畋于藪鄭詩叔在藪而左傳所

云取人于荏苒之澤是皆其地矣案水經渠水注役水又東北逕中牟澤即鄭太

叔攻荏苒之澤也今中牟得其地什之四洧川尉氏各什之三

潛丘劄記二

古之遺愛也解子產見愛有古人之遺風

賈逵曰愛惠也史記鄭世家集解

昭廿一天子省風以作樂解省風俗作樂以移之

應劭曰風土地風俗也省中和之風以作樂然後可移惡

風易惡俗也師古曰省觀也漢書五行志下之上注

張句尤之解尤怪賜之厚

小爾雅云尤怪也杜訓從之惠氏補注五案襄廿六年公見

弃也而視之尤杜云尤甚也昭世八年夫有尤物足以移人杜云尤異也亦皆驚異其美之意

禦諸橫解梁國睢陽縣南有橫亭

今河南歸德府西南有橫城世謂之光城

春秋地名
攷略十

以南里叛解南里宋城內里名

南里爲城內近盧門地甚明穀梁傳曰宋之南鄙誤也

春秋

地名攷
略十

孔廣杞曰鄭亦有南里見宣三年

宋城舊鄘及桑林之門而守之解舊鄘故城也桑林城門名

外城門曰桑林門案襄十年宋公享晉侯請以桑林莊子

養生

曰合于桑林之舞蓋宋享祖廟之樂也又書傳言湯

伐桀之後大旱七年湯禱于桑林之社而雨大至

見帝王
世紀

是桑林又實有其地乃呂氏春秋義廉篇曰立湯後于宋以

奉桑林又此年傳宋城舊鄘及桑林之門可見桑林即在

商丘之境明矣廟社所在非舊都而何春秋地名攷略十

秋七月壬午朔日有食之庚辰歲

今歷推之是月壬午朔加時在晝交分二十六日八千七

百九十四分八食限元史歷志二

是何物也解物事也

歲時日月星辰謂之六物是何物也謂六物之占當何屬

也注未詳惠氏補注五六物詳見昭七年

六物之占見昭十七年石經攷異

日有食之不爲災正義且詩云十月之交朔月辛卯日有食

之亦孔之醜云云

詩之十月則夏之八月秋分日食而為災者以辛卯之日
 卯往侵辛木反克金故為災昭七年夏四月甲辰朔日有
 食之而大咎衛君上卿四月夏之二月為災者以其甲辰
 之日甲為木辰為土木當克土今日食土反克木故為災
 也昭二十一年秋七月壬午朔而日食壬為水午為火水
 應克火而日食火反克水不為災者以秋七月夏之五月
 是壬午之時得有克壬之理故不得為災

禮記昏義正義案詩十月之

交正義曰以午食壬似卯侵辛傳言不為災者彼為夏之
 五月午當用事王應休廢又王為剛日非是弱君故與此
 不同也

齊烏枝鳴戍宋解烏枝鳴齊大夫

姓左傳齊大夫烏枝鳴

廣韻鳥字注

軍志有之先人有奪人之心

注云戰氣未定故也

周禮夏官大司馬疏案疑是賈服注宣十二年杜解云奪敵戰心

後人有待其衰

注云待敵之衰乃攻

周禮大司馬疏

齊師宋師敗吳師于鴻口解梁國睢陽縣東有鴻口亭

鴻口今在河南歸德府商丘虞城二縣界

大事表七之二

揚徽者公徒也

解徽識也

正義

禮記大傳

云云

春秋傳曰揚徽者公徒若今救火衣然也

說文

昔晉攻狄

卻叔虎被羽先登克之

見國語晉語一

漢光武擊青犢賈復亦被

羽先登敗之然則後世之被羽蓋古衣徽之遺制爾章昭

以被羽為繫飛鳥於背若今負氍是也章懷太子以被羽

爲執旌旗

案後漢書賈復傳注析羽爲旌旗將軍所執

誤矣

禮書百三十四

華姓解姓華氏族

合比

見昭

子炷

杜氏世族譜

與華氏戰于赭丘解赭丘宋地

後漢志陳國長平縣有赭丘城應在今河南陳州府西北

境

大事表七之二

鄭翩願爲鵠其御願爲鶩解鵠鶩皆陳名

鶩自然而有行列故聘禮曰出如舒鴈古者兵有鵠鶩之

陳也舊說江淮謂羣鵠旋飛爲鵠井則鵠善旋飛盤薄霄

漢與鶩之成列正異故古之陳法或願爲鵠也

埤雅六

張句抽爰而下解爰長丈二在車邊

爰如杖長尋有四尺

周禮夏官司戈盾注

爰杖也八棱長丈二而無

刃或以木爲之或以竹爲之

文選張平子西京賦薛綜注

不死伍乘解同乘其伍當皆死

衛詩曰死生契闊與子成說箋云從軍之士與其伍約死

也尉繚子云凡伍臨陳若一人有不進死於敵則教者如

犯法者之罪

忠氏補注五

昭

齊北郭啟解北郭佐之後

佐見襄廿八

佐生北郭啟

通志氏族略三

苑羊牧之解牧之莒大夫

昭二十年有苑何忌則苑乃其氏名牧之字羊古姓名與

字並稱者恆先字而後名百里孟明視苑羊牧之是已

周秦

名字解
故下

案通志氏族略五以苑羊爲氏誤

敗齊師于壽餘解舊地

壽餘當在山東青州府安丘縣境

大事表七之二

盟于稷門之外稷門齊城門也

南門稷門

春秋地名略三

詳見昭十年戰于稷下

邊卬爲大司徒卬平公曾孫

宋平公子御戎

昭廿

字子邊以王父字爲氏孫卬爲司徒

通志

氏族

略三

仲幾爲左師仲幾仲江孫

仲江見襄十四

仲幾字子然

通志氏族略四

賓起解孟卽起也

孔廣斌曰起是其名孟其字周語下祇稱賓孟杜譜賓起賓孟則知以起爲名矣程氏世譜云賓滑之子滑見昭九年

劉獻公之庶子伯蚘事單穆公解伯蚘劉狄穆公單旗

伯蚘卷獻公之庶子文公也文公名卷定四一名狄昭廿六字

伯蚘穆公成公之子成公見昭十一杜氏世族譜案傳亦稱劉蚘汪

繩祖曰蚘卷字相狀簡縑傳寫有譌耳

人異於是解若人見寵飾則當貴盛故言異於雞

異於雞也人之美則宜君人事宗廟也國語周語下韋注

犧者實用人人犧實難已犧何害正義言犧當用純德之人

猶如祭犧當用純色之牲也他人之有純德寵之如犧後實

招禍難矣已子之有純德寵之如犧有何害也

云云

子猛立而子朝爲之用則是人犧也難免於禍子朝立而子猛與劉單皆爲之用則是已犧也誰能害之以此悟王

宋元英左傳拾遺

王弗應解王心許之故不應

正義

慮其泄言也

弗應者曉其意畏大臣也

國語周語下韋注

王田北山解洛北芒也

北邙山在河南府北十里山連偃師鞏孟津三縣縣互四百餘里古陵寢多在其上邙一作芒左傳王田北山卽邙

山也

讀史方輿紀要四十八

崩于榮錡氏解河南鞏縣西有榮錡澗

榮錡今屬河南河南府

日講春秋解義五十四

荀吳略東陽解東陽晉之山東邑魏郡廣平以北

山東東昌府恩縣西北六十里有東陽城此漢以後東陽

縣地其晉之東陽甚廣自太行山之東直隸廣平大名以

北至黃州皆是

春秋輿圖

帥郊要餞之甲解三邑周地

案郊已見昭十二

水經河水

注畛水出新安縣青要山今謂之疆山新唐書

河南郡諸府有餞濟

春秋地名攷略一

劉子奔揚揚周邑

路史謂卽山西之揚侯國

揚見襄廿九

宣王子尚父所封今山

西平陽府洪洞縣東有揚城案傳云壬戌劉子奔揚癸亥

如劉劉為今偃師縣劉亭決日即至其地當不出百里外
山西洪洞距河南偃師絕遠且地已屬晉決當為僖十一
年揚拒泉阜之揚而非山西之揚侯國也大事表七之一
役舉荒以說

風俗通肇疇古諸侯國也見毛詩周有摯荒

通志氏族略二

奔于平時解平時周地

孔廣斌曰襄三十年成愆奔平時昭二十二年單子奔平
時釋例並闕不知所在以下傳單子以王如平時遂如圃
車次于皇之文案之疑亦在今鞏縣界

子朝奔京

京京楚二名

杜氏土地名案下傳云王師軍于京楚注京楚子朝所在

京當即京索

之京在今河南開封府滎陽縣

見隱元年鄭京

山西汾州府平遙

縣東七里有京陵城周宣王北伐時所築或云卽此京也

案此時地已入晉非是

春秋地名攷略一

京人奔山

疑卽上傳之北山也

周氏附論

鞏簡公敗績于京

周卿士

鞏氏今鞏縣也周卿士鞏簡公甸內侯也

通志氏昭二十族略三

五年尹文公涉于鞏案傳曰闕鞏之甲鞏之得名已久周

爲鞏伯邑西周惠公封少子班於此爲東周今在河南府

鞏縣西南三十里有鞏王城相傳爲赧王所築者是也

春秋

地名攷略一

叔鞅至自京師解叔鞅叔弓子

叔鞅穆伯弓之子

弓見襄卅杜氏世族譜

叔弓生三子曰輒

昭廿一日

鞅無後日閔

定十一正義春秋分記世譜六

案杜譜以叔詣為鞅之

子

謂見昭廿五經

與世譜異疑無後二字當在輒下傳寫有誤

次于皇

解

河南鞏縣西南有黃亭

案郡國志引作西北

皇在鞏縣西北

春秋輿圖

鄆胙伐皇

解

鄆胙

子朝黨

廿三年解

河南鞏縣西南有地名

鄆中

洛水又北逕偃師城東東北歷鄆中水南謂之南鄆亦曰

上鄆也逕訾城西而鄆水注之鄆水又東南於訾城西北

東入洛水故京相璠曰今鞏洛渡北有鄆谷水東入洛謂

之下鄆故有上鄆下鄆之名亦謂之北鄆於是有南鄆北

鄆之稱矣又有鄆城蓋周大夫鄆肸之舊邑水經洛水注鄆在

鞏縣西南五十八里春秋輿圖

焚諸王城之市

焚如之刑周法也

惠氏補注五案見周禮秋官掌戮疏引鄭氏易注

司徒醜以王師敗績于前城

前城在河南府西南五十里左傳王師敗績于前城服虔

曰前讀爲泉

見水經伊水注

即泉戎地在伊闕南僖十一年揚拒

泉皐伊洛之戎泉皐即前城矣

讀史方輿紀要四十八

伐東園即洛陽東南有園鄉

周地有東西園東園乃洛陽東南園鄉西園未證

路史國名紀七

西園詳見昭廿三年駁證

晉籍談荀躒帥九州之戎解九州戎陸渾戎十七年滅屬晉州鄉屬也五州爲鄉

昭十七年晉荀吳滅陸渾之戎陸渾子奔楚其餘服屬於晉謂之九州戎哀四年士蔑乃致九州之戎杜云在晉陰

地陸渾者

春秋地名
疏略十三

前城人敗陸渾于社解社周地

黃河西自偃師界至鞏縣洛水入之有五社渡又有五社津漢光武幸懷遣耿弇等軍五社津備滎陽以東卽此

春秋

地名攷
略一

十有二月癸酉朔日有食之解此月有庚戌又以長歷推校

前後當爲癸卯朔書癸酉誤 辛巳歲

是年傳有閏月辛丑在年末經書日食與大衍合杜氏以傳有庚戌及辛丑遂謂十二月朔癸卯不知癸卯不入食限也日食黃道箕四度半強 春秋分記今歷推之是月癸酉朔交分十四日一千八百八食限元史歷志二

帥師軍于陰

平陰城在今河南府孟津縣東一里舊志云城在故洛陽城東北五十里左傳昭二十二年晉師軍于陰卽平陰也二十三年晉師在平陰是矣 讀史方輿紀要四十八 案杜氏土地

名於本年之陰云闕於下年之平陰云河南河陰縣也則杜以爲二地名然高氏攷略顧氏輿圖並謂一地二名姑

存以待攷孔廣棡曰陰僖十五年晉地昭十九年楚地

于侯氏

侯氏卽緱氏今河南府偃師縣東南二十里有廢緱氏城

大事表
七之一

于谿泉解鞏縣西南有明谿泉

洛水又東明樂泉水注之水出南原下五泉並導故世謂

之五道泉卽古明谿泉也

水經洛
水注

王師軍于汜

汜蓋成臯之汜也漢成臯縣屬河南郡隋改曰汜水唐初

析置成臯貞觀中省入汜水至今因之

案汜水縣屬河南開封府本屬

鄭地王時駐軍于此

春秋地名
攷略一

于解解洛陽西南有大解小解

大解城在今洛陽縣南小解城在縣西南

口講春秋
解義五十四

次于任人

毛詩序雲漢仍叔美宣王也仍叔世爲周大夫古仍任通

用仍叔穀梁作任叔

桓五

昭二十二年傳王師次于任人當

卽仍叔之仍也

畢氏晉書地理志補正一